

Lelaki bantu lupus harta curi dipenjara dan didenda

MIRI: Seorang lelaki di-jatuhi hukuman penjara satu minggu dan denda RM500 atau satu minggu penjara oleh Mahkamah Majistret semalam kerana kesalahan membantu melupuskan harta curi.

Hukuman itu dijatuhkan Majistret Sandy Yvette

Freddy setelah tertuduh Mohammad Supardee Mohammad mengaku bersalah atas tuduhan yang dibacakan terhadapnya mengikut Seksyen 414 Kanun Keseksaan.

Mengikut kesalahan ini, tertuduh boleh dikenakan hukuman penjara hingga tujuh tahun atau denda atau

kedua-duanya sekali, jika sabit kesalahan.

Menurut keterangan kes, tertuduh didapati dengan sengaja telah membantu melupuskan harta curi iaitu satu unit pam pancutan air dan satu unit tangga aluminium kepunyaan Khalid Abdul Manap.

Supardee, 38, dari Taman Desa Senadin di sini didakwa melakukan kesalahan itu pada jam 7.30 malam, 23 November lalu di sebuah lot di Tudan Desaras Fasa 6 di sini.

Pendakwaan dilakukan ASP Mary Ong, manakala tertuduh tidak diwakili peguam bela.